

四庫全書

經部

欽定四庫全書

經部

周易程朱傳義折衷卷二十四

詳校官內閣學士臣尹壯圖

通政使司副使臣莫瞻菴覆勘

覆校官中書臣呂雲棟

校對官中書臣葉蘭

謄錄舉人臣張護

欽定四庫全書

周易程朱傳義折衷卷二十三

元 趙采 撰



乾下
兌上

程子曰序卦益而不已必決故受之以夬夬者決也
益之極必決而後止理無常益益而不已已乃決也
夬所以次益也為卦兌上乾下以二體言之澤水之
聚也乃上於至高之處有潰決之象以爻言之五陽

在下長而將極一陰在上消而將盡衆陽上進決去
一陰所以為吏也吏者剛決之義衆陽進而決去一
陰君子道長小人消衰將盡之時也

吏揚于王庭孚號有厲

程子曰小人方盛之時君子之道未勝安能顯然以
正道決去之故含晦俟時漸圖消之之道今既小人
衰微君子道盛當顯行之於公朝使人明知善惡故
云揚于王庭孚信之在中誠意也號者命衆之辭君

子之道雖長盛而不敢忘戒備故至誠以命衆使知尚有危道雖以此之甚盛決彼之甚衰若易而無備則有不虞之悔是尚有危理必有戒懼之心則無患也聖人設戒之意深矣

告自邑不利即戒利有攸往

程子曰君子之治小人以其不善也必以己之善道勝革之故聖王誅亂必先修己舜之敷文德是也邑私邑告自邑先自治也以衆陽之盛決於一陰力固

有餘然不可極其剛至於太過太過乃如蒙上九之
為寇也戎兵者強武之事不利即戎謂不宜尚壯武
也即從也從戎尚武也利有攸往陽雖盛未極乎上
陰雖微猶有未去是小人尚有存者君子之道有未
至也故宜進而往也不尚剛武而其道益進乃夬之
善也

朱子曰夬決也陽決陰也三月之卦也以五陽去一
陰決之而已然其決之也必正名其罪而盡誠以呼

號其衆相與合力然亦尚有危厲不可安肆又當先
治其私而不可專尚威武則利有所往也皆戒之之
辭

彖曰史決也剛決柔也健而說決而和

程子曰史為決義五陽決上之一陰也健而說決而
和以二體言卦才也下健而上說是健而能說決而
能和決之至善也允說為和

揚于王庭柔乘五剛也孚號有厲其危乃光也

柔雖消矣然居五剛之上猶為乘陵之象陰而乘陽非理之甚君子勢既足以去之當顯揚其罪於王朝大庭使衆知善惡也盡誠信以命其衆而知有危懼則君子之道乃無虞而光大也

告自邑不利即戎所尚乃窮也利有攸往剛長乃終也當先自治不宜專尚剛武即戎則所尚乃至窮極矣夬之時所尚謂剛武也陽剛雖甚長猶未終尚有一陰更當決去則君子之道純一而無害之者矣乃剛

長之終也

愚曰此卦以二體言則乾健而兌說乾決而兌和以互伏言則上體伏艮為庭左傳陳侯筮遇觀之否曰庭實旅百杜氏曰艮為門庭以爻變言上六與九三相應成巽離巽為號巽風者天之號令故號令號呼命皆取巽象離為光以卦變言爻自姤變一變同人二變履三變小畜四變大有同人六二自坤來坤為邑履下卦兌為口告邑也自同人

至大有皆有離象離為戈兵戎也夫丈五陽決一陰勢至易也今觀繇彖爻辭皆不言吉而有危懼之詞者斷蛇不殛刺虎不斃傷人愈多是以聖人為君子謀而憂小人者其戒有四何者上六以一柔乘五剛其害未易去也故揚于王庭聲其乘剛之罪憂其罪不白彼尚有詞而未去其戒一也王庭之號令乎矣天下皆信君子之所為矣而猶欲君子之有厲者蓋憂君子無危厲之心則事或疎

而小人之為謀也莫測其戒二也罪白矣號孚矣
心厲矣然猶曰告自邑者蓋憂小人之魁去而小
人之餘黨尚存故告于吾國中使反側者安而小
人之餘黨自離可也若君子自以為吾五陽已盛
不用告而遽加誅焉則君側之惡不可以兵兵之
則小人之勢窮而黨復合非君子之利也其戒三
也即戎雖非君子之利然五陽不往則一陰不退
故又曰利有攸往曰剛長乃終蓋欲五陽往而剛

長則一陰消而陽純此聖人望君子終之之事也
剛不長陽不純君子不終也

象曰澤上於天夬君子以施祿及下居德則忌

程子曰澤水之聚也而上於天至高之處故為夬象
君子觀澤決於上而注漑於下之象則以施祿及下
謂施其祿澤以及於下也觀其潰決之象則以居德
則忌居德謂安處其德則約也忌防也謂約立防禁
有防禁則無潰散也王弼作明忌亦通不云澤在天

上而云澤上於天則意不安而有決潰之勢云在天
上乃安辭也

愚曰澤上於天則為雨有澤物之象焉萬物之所
欣快也故君子以之施祿及下施祿及下可也而
以德自居則不可也忌當作畏忌之忌言可以施
祿及下所忌者自居其德天降雨澤於下亦豈自
居其德哉則夫決去小人亦不可自居其功也

初九壯于前趾往不勝為咎象曰不勝而往咎也

程子曰九陽爻而乾體剛健在上之物乃在下而居
決時壯于前進者也前趾謂進行人之決於行也行
而宜則其決為是往而不宜則決之過也故往而不
勝則為咎也夬之時而往往決也故以勝負言九居
初而壯於進躁於動者也故有不勝之戒陰雖將盡
而已之躁動自宜有不勝之咎不計彼也人之行必
度其事可為然後決之則無過矣理不能勝而且往
其咎可知凡行而有咎者皆決之過也

愚曰大壯震在上為足初九在下體之下如足之
動趾也史自大壯而積大壯既以四剛而壯趾矣
今史五剛則初九壯于前大壯之趾矣大壯初九
云征凶者以初無應不可動而先動也今初亦無
應又震足毀折此豈可動而往哉往則必不勝夫
見勝而往勝在往前不能必其勝而往宜其為咎
矣陽好動而剛喜自任故聖人戒之以此

九二惕號莫夜有戎勿恤象曰有戎勿恤得中道也

程子曰：「史者陽決陰，君子決小人之時，不可忘戒備也。陽長將極之時，而二處中居柔，不為過剛，能知戒備處，史之至善也。內懷兢惕，而外嚴戒號，雖莫夜有兵戎，亦可勿恤矣。莫夜有兵戎，可懼之甚也。然可勿恤者，以自處之善也。既得中道，又知惕懼，且有戒備何事之足恤也？九居二，雖得中，然非正，其為至善何也？曰：陽決陰，君子決小人而得中，豈有不正也？知時識勢，學易之大方也。」

朱子曰九二當決之時剛而居柔又得中道故能憂惕號呼以自戒備而莫夜有戎亦可無患也

愚曰九二動成離巽離目巽多白眼惕懼之象巽為號故曰惕號離日在兌方之下莫也巽為入日入于地莫夜也離為戈兵戎也坎為憂離見坎伏勿恤也莫夜者陰伏之時也小人之害君子必陰伏而潛中之今九二君子以剛居柔德壯而小心於莫夜之時必危惕而申警之則有備無患雖有

兵戎卒至勿用憂恤可也象曰得中道以九居二
非得中道乎得中而無所過備患而無所不及小人
雖有陰謀何所復施哉故曰有戎勿恤夫先事而
憂之則事至勿憂矣

九三壯于頄有凶君子夬夬獨行遇雨若濡有愠无咎
程子曰文辭差錯安定胡公移其文曰壯于頄有凶
獨行遇雨若濡有愠君子夬夬無咎亦未安也當云
壯于頄有凶獨行遇雨君子夬夬若濡有愠無咎夬

決尚剛健之時三居下體之上又處健體之極剛果
於決者也頤顙骨也在上而未極於上者也三居下
體之上雖在上而未為最上上有君而自任其剛決
壯于頄者也有凶之道也獨行遇雨三與上六為正
應方羣陽共決一陰之時已若以私應之故不與衆
同而獨行則與上六陰陽和合故云遇雨易中言雨
者皆謂陰陽和也君子道長決去小人之時而已獨
與之和其非可知唯君子處斯時則能夬夬謂夬其

史果決其斷也雖其私與當遠絕之若見濡汗有愠
怒之色如此則無過咎也三健體而處正非必有是
失也因此義以為教耳文文所以交錯者由有過雨
字又有濡字故誤以為連也

朱子曰頌類也九三當史之時以剛而過乎中是欲
決小人而剛壯見于面目也如是則有凶道矣然在
衆陽之中獨與上六為應若能果決其決不係私愛
則雖合於上六如獨行遇雨至於若濡而為君子所

愠然終必能決去小人而無所咎也溫嶠之於王敦
其事類此

愚曰三變有重兌之象二三四爻有離體離為目
下兌為口目口之間為頰又兌為頰頰頰骨也雨
兌澤也夬夬決之又決也既決上六兌三動復成
兌夬夬也九三剛而不中始也欲決小人其剛壯
之氣見於顏面間似傷乎暴暴則有凶而三乃曰
我君子也決而又決我之事也然進銳者退必速

終也四陽皆不應上而三乃獨行應之雖以陽遇陰和洽為雨至於沾濡然視四陽豈不愧哉是以中心慍恨悔其獨行竟欲決去小人以冀無咎此正是善補過文公謂顏杲卿受祿山衣服中道忿然歸借兵伐之正是此義

象曰君子夬夬終无咎也

程子曰牽桔於私好由無決也君子義之與比決於當決故終不至於有咎也

九四臀无膚其行次且牽羊悔亡聞言不信象曰其行次且位不當也聞言不信聰不明也

程子曰臀无膚居不安也行次且進不前也次且進難之狀九四以陽居陰剛決不足欲止則衆陽並進於下勢不得安猶臀傷而居不能安也欲行則居柔失其剛壯不能強進故其行次且也牽羊悔亡羊者羣行之物牽者挽拽之義言若能自強而牽挽以從羣行則可以亡其悔然既處柔必不能也雖使聞是

言亦必不能信用也夫過而能改聞善而能用克己以從義唯剛明者能之在他卦九居四其失未至如此之甚在夬而居柔其害大矣九處陰位不當也以陽居柔失其剛決故不能強進其行次且剛然後能明處柔則遷失其正性豈復有明也故聞言而不能信者蓋其聰聽之不明也

朱子曰以陽居陰不中不正居則不安行則不進若不與衆陽競進而安出其後則可以亡其悔然當決

之時志在上進必不能也占者聞言而信則轉凶而吉矣牽羊者當其前則不進縱之使前而隨其後則可以行矣

愚曰九四乃姤九三之反也姤九三居巽上巽為股股上為臀夬四與姤三皆變則臀無膚矣三四皆卦外爻有皮膚之象巽為進退故其行次且二卦象同故其詞亦同此爻大抵謂一陰在上眾陽所欲共決也四以陽處陰陽喜進故居則不安陰

喜退故行則不進譬腎傷膚既不可處又不可行
此其所以次且也然則為九四者宜如何哉避四
而居初讓三陽使先行而已出其後則無悔矣四
動成兌兌為羊羊性狠牽挽則抵觸不行却行而
隨之則行然斯言也但恐九四未必聞而信之何
者不足於剛決也九四動有坎離坎為耳離為目
聰明之象也不動則耳塞目毀聰不明矣當夫之
時聖人病九四之柔不當位不聰明不足與共事

也

九五覓陸夬中行无咎象曰中行无咎中未光也

程子曰五雖剛陽中正居尊位然切近於上六上六說體而卦獨一陰陽之所比也五為決陰之主而反比之其咎大矣故必決其決如覓陸然則於其中行之德為無咎也中行中道也覓陸今所謂馬齒覓是也曝之難乾感陰氣之多者也而脆易折五若如覓陸雖感於陰而決斷之易則於中行無過咎矣不然

則失其中正也感陰多之物覓陸為易斷故取為象
卦辭言夬夬則於中行為無咎矣象復盡其義云中
未光也夫人心正意誠乃能極中正之道而充實光
輝五心有所比以義之不可而決之雖行於外不失
中正之義可以無咎然於中道未得為光大也蓋人
心一有所欲則離道矣夫子於此示人之意深矣
朱子曰覓陸今馬齒覓感陰氣之多者九五當決之
時為決之主而切近上六之陰如覓陸然若決而決

之而又不為過暴合於中行則無咎矣戒占者當如是也

愚曰覓陸古今諸儒之說或以為一物或以為二物或以為一物而二名此不可以臆斷也朱漢上云兌為澤覓蕢澤草也葉柔根小堅且赤爻云覓陸則生於陸地喻小人之在顯位者五居尊為決之主四陽助之決去上六之一柔如去覓焉本非難事然易每危君子必使去之盡善而後為光也

若曰彼上六之小人如覓生於陸何難決去今衆
剛決之又決之恐或傷暴則於國家亦有害必得
中道而行乃為無咎中行無咎矣而聖人猶以為
中未光何也蓋去疾以全元氣不如初無疾而元
氣自全去小人以靖國家不如初無小人而國家
自靖今使陰柔之小人至於在顯位而後衆剛決
而去之亦非九五之光也曰中未光蓋不足於九
五之詞

上六无號終有凶象曰无號之凶終不可長也

程子曰陽長將極陰消將盡獨一陰處窮極之地是衆君子得時決去危極之小人也其勢必須消盡故云無用號咷畏懼終必有凶也陽剛君子之道進而益盛小人之道既已窮極自然消亡豈復能長久乎雖號咷無以為也故云終不可長也先儒以卦中有孚號惕號欲以無號為無號作去聲謂無用更加號令非也一卦中適有兩去聲字一平聲字何害而讀

易者率皆疑之或曰聖人之於天下雖大惡未嘗必絕之也今且使之無號謂必有凶可乎曰史者小人之道消亡之時也決去小人之道豈必盡誅之乎使之變革乃小人之道亡也道亡乃其凶也

朱子曰陰柔小人居窮極之時黨類已盡無所號呼終必有凶也占者有君子之德則其敵當之不然反是

愚曰孚號惕號號令之號也上六無號哀號之號

也小人安而得志則驕以喜危而不得志則哀以號此其常態也今上六以三我應也欲號以求免而三則壯頗有愠以五我比也欲號以求免而五則決之又決然則上六無告呼之地矣此所以無號而終有凶也彖於五陽則告之曰利有攸往爻於一陰則喻之曰無號終有凶小人至此欲延一旦之命可得乎凶而可號以免所謂天作孽猶可違無號之凶所謂自作孽不可逭聖人所以為萬

世小人戒也



巽下
乾上

程子曰序卦決決也決必有遇故受之以姤姤遇也
決判也物之決判則有遇合姤所以次夬也為卦乾
上巽下以二體言之風行天下天之下者萬物也風
之行無不經觸乃遇之象又一陰始生於下陰與陽
遇也故為姤

姤女壯勿用取女

程子曰一陰始生自是而長漸以盛矣是女之將長壯也陰長則陽消女壯則男弱故戒勿用取如是之女取女者欲其柔和順從以成家道姤乃方進之陰漸壯而敵陽者是以不可取也女漸壯則失男女之正家道敗矣姤雖一陰甚微然有漸壯之道所以戒也

朱子曰姤遇也決盡則為純乾四月之卦至姤然後一陰可見而為五月之卦以其本非所望而卒然值

之如不期而遇者故為遇遇已非正又一陰而遇五陽則女德不貞而壯之甚也取以自配必害乎陽故其象占如此

愚曰此卦朱文公云不是說陰漸長為女壯乃是
一陰遇五陽是不正當底女人此說固是然程子
謂姤雖一陰甚微然有漸長之道是以戒也二義
互觀可也夫陰陽之遇主于一則專以一遇五則
無君子偕老之德而有鶉之奔奔之羞聖人於是

詔君子曰勿用取此女絕之於其始也不絕之於
始鮮不受制於其手矣繇詞首言姤女壯夫陽至
四五而後言壯今姤一陰方長即為壯者見得陰
陽之情不同而女子小人漸不可長也

彖曰姤遇也柔遇剛也勿用取女不可與長也天地相
遇品物咸章也剛遇中正天下大行也姤之時義大矣
哉

程子曰姤之義遇也卦之為姤以柔遇剛也一陰方

生始與陽相遇也一陰既生漸長而盛陰盛則陽衰
矣取女者欲長久而成家也此漸盛之陰將消勝於
陽不可與之長久也凡女子小人夷狄勢苟漸盛何
可與久也故戒勿用取如是之女陰始生於下與陽
相遇天地相遇也陰陽不相交遇則萬物不生天地
相遇則化育庶類品物咸章萬物章明也以卦才言
五與二皆以陽剛居中與正以中正相遇也君得剛
中之臣臣遇剛中之君君臣以剛陽遇中正其道可

以大行於天下也贊姤之時與姤之義至大也天地
不相遇則萬物不生君臣不相遇則政治不興聖賢
不相遇則道德不亨事物不相遇則功用不成姤之
時與義皆甚大也

愚曰姤之為遇何謂也剛之為道難乎其合而柔
之為遇也易柔遇剛則消剛陰遇陽則消陽小人
遇君子則消君子夷狄遇中國則消中國天下之
理剛遇柔則順柔遇剛則逆坤只順承天臣只順

承君子只順承父婦只從夫陰不可為主況不期而遇乎是以不可取也其不可取以其不貞而不可與久也聖人既言遇之不善又言遇之善者姤者乾末坤始也故曰天地相遇以四時言之則建午之月品物咸章之際也荀爽曰坤出於離與乾相遇故萬物皆相見相見咸章也剛遇中二也剛遇中正五也陰之長自九二變而為遯始無臣也自九五變而為剝始無君也姤之世上有君下有

臣君子之欲有為無所不可故曰剛遇中正天下
大行也聖人懼學者止以女子之道言姤故又極
天地明教化而言其義之大也

象曰天下有風姤后以施命誥四方

程子曰風行天下無所不周為君后者觀其周徧之
象以施其命令周誥四方也風行地上與天下有風
皆為周徧庶物之象而行於地上徧觸萬物則為觀
經歷觀省之象也行於天下周徧四方則為姤施發

命令之象也諸象或稱先王或稱后或稱君子大人
稱先王者先王所以立法制建國作樂省方勅法閉
關育物享帝皆是也稱后者后王之所為也財成天
地之道施命誥四方是也君子則上下之通稱大人
者王公之通稱

愚曰與物相遇無遠弗届風也天之命也周官曰
以十有二風察天地之命是也故后體之以施命
誥四方必曰后者惟君能制命

初六繫于金柅貞吉有攸往見凶羸豕孚蹢躅象曰繫于金柅柔道牽也

程子曰姤陰始生而將長之卦一陰生則長而漸盛陰長則陽消小人道長也制之當於其微而未盛之時柅止車之物金為之堅強之至也止之以金柅而又繫之止之固也固止使不得進則陽剛貞正之道吉也使之進往則漸盛而害於陽是見凶也羸豕孚蹢躅聖人重為之戒言陰雖甚微不可忽也豕陰躁

之物故以為況羸弱之豕雖未能強猛然其中心在乎蹢躅蹢躅跳躑也陰微而在下可謂羸矣然其中心常在消陽也君子小人異道小人雖微弱之時未嘗無害君子之心防於微則無能為矣牽者引而進也陰始生而漸進柔道方牽也繫之于金柅所以止其進也不使進則不能消正道乃貞吉也

朱子曰柅所以止車以金為之其剛可知一陰始生靜正則吉往進則凶故以二義戒小人使不害於君

子則有吉而無凶然其勢不可止也故以羸豕蹢躅
曉君子使深為之備云

愚曰柅諸儒皆以為止車之物按說文作櫪云絡
絲趺也王肅作柅從手朱漢上云離巽之柔為絲
謂巽為木為風巽變離木中含火火生風風化蠱
蠱為龍馬之精龍大火馬火畜蠱以火出而浴故
太玄以火為絲賈逵以離為絲郭璞曰巽為風蠱
屬龍馬絲出中乾為金金堅重之物也金柅以金

為絡絲趺也乾初九甲子坎位為豕乾初九變六陽變陰羸豕也羸豕牝豕也此文大抵謂初六陰柔不正與九二遇其心如亂絲然倘九二如金枕繫絡而經理之使之從正則得其吉也二若降初初剝剛而往則見凶矣何以見凶也初六又如羸豕然羸豕雖羸弱未能強猛然其感陽欲往其中心未嘗不躊躇躁動使忽其羸不深防之則突而難制矣女子小人未得志詐以示弱似無能為然

其中心未嘗一日不欲消陽也苟不於其羸弱之時防之使纔得勢不可復遏可不慎哉唐武后裴延齡之類是也

九二包有魚无咎不利賓象曰包有魚義不及賓也

程子曰姤遇也二與初密比相遇者也在他卦則初正應於四在姤則以遇為重相遇之道主於專一二之剛中遇固以誠然初之陰柔羣陽在上而又有相應者其志所求也陰柔之質鮮克貞固二之於初難

得其誠心矣所遇不得其誠心遇道之乖也包者直
裹也魚陰物之美者陽之於陰其所說美故取魚象
二於初若能固畜之如包直之有魚則於遇為無咎
矣賓外來者也不利賓包直之魚豈能及賓謂不可
更及外人也遇道當專一二則雜矣二之遇初不可
使有二於外當如包直之有魚包直之魚義不及於
賓客也

朱子曰魚陰物二與初遇為包有魚之象然制之在

已故猶可以無咎若不制而使過於衆則其為害廣矣故其象占如此

愚曰先儒謂巽為魚其多白眼乎郭璞曰魚者震之廢氣巽王則震廢故以巽為魚魚謂初也初民象也古者以魚比民初六之民出遇九二九二以剛中之德近而包有之於遇道為得故無咎然初與四為正應四是初之賓也四欲有初奈勢遠於初二既勢近而有之豈容遜而為四之利乎故曰

不利賓古者有分土無分民得道則歸往失道則
攜持而去顧民所遇何如耳我既得之義豈可及
賓乎或曰繇詞以女壯言初此與四以民言初何
也易不可確定說矧姤之一陰該女子小人民庶
言之不然何以為易

九三臀無膚其行次且厲无大咎象曰其行次且行未
牽也

程子曰二與初既相遇三說初而密比於二非所安

也又為二所忌惡其居不安若臀之無膚也處既不
安則當去之而居姤之時志求乎遇一陰在下是所
欲也故處雖不安而其行則又次且也次且進難之
狀謂不能遽舍也然三剛正而處巽有不終迷之義
若知其不正而懷危懼不敢妄動則可以無大咎也
非義求遇固已有咎矣知危而止則不至於大咎也
其始志求遇於初故其行遲遲未牽不促其行也既
知危而改之故未至於大咎也

朱子曰九三過剛不中下不過於初上無應於上居則不安行則不進故其象占如此然既無所遇則無陰邪之傷故雖危厲而無大咎也

愚曰姤之九三則夬之九四也故二爻同象初六求遇而剝陽者也既遇九二為二所包矣又欲往遇三焉夫兩相求遇陰陽之情也初既求過於三三安得不進而與之遇乎易曰遇則必為初六所剝矣故曰臀無膚三既知必為初所傷其行所以

次且欲進未進也進退不可安得不危厲然九三
剛正處巽必不為初六所牽而行故無咎然象曰
牽未行曰未則亦未保其終之不相牽以遇而至
於剝陽也嗚呼柔之遇剛如此聖人所以為剛慮
者深矣

九四包无魚起凶象曰无魚之凶遠民也

程子曰包者所裹蓄也魚所美也四與初為正應當
相遇者也而初已過於二矣失其所遇猶包之無魚

亡其所有也四當姤遇之時居上位而失其下下之離由已之失德也四之失者不中正也以不中正而失其民所以凶也曰初之從二以比近也豈四之罪乎曰在四而言義當有咎不能保其下由失道也豈有上不失道而下離者乎遇之道君臣民庶夫婦朋友皆在內四以下睽故主民而言為上而下離必有凶變起者將生之謂民心既離難將作矣下之離由已致之遠民者已遠之也為上者有以使之離也

愚曰九二包有魚而不及賓則九四無魚自然之理也爻詞義九二而凶九四何哉聖人玩無魚起凶之象曰此無他遠民之故也言四遠於初六也矧四剛而不中無德以包有之乎宜民之歸二而去四也故曰起凶言凶之所自起起於失民然則民豈可失哉

九五以杞包瓜含章有隕自天象曰九五含章中正也有隕自天志不舍命也

程子曰九五下亦無應非有遇也然得遇之道故終必有遇夫上下之遇由相求也杞高木而葉大處高體大而可以包物者杞也美實之在下者瓜也美而居下者側微之賢之象也九五尊居君位而下求賢才以至高而求至下猶以杞葉而包瓜能自降屈如此又其內蘊中正之德充實章美人君如是則無有不遇所求者也雖屈已求賢若其德不正賢者不屑也故必含蓄章美內積至誠則有隕自天矣猶云

自天而降言必得之也自古人君至誠降屈以中正之道求天下之賢未有不遇者也高宗感於夢寐文王過於漁釣皆由是道也所謂含章謂其含蘊中正之德也德充實則成章而有輝光命天理也舍違也至誠中正屈已求賢存志合於天理所以有隕自天必得之矣

朱子曰瓜陰物之在下者甘美而善潰杞高大堅實之木也五以剛陽中正主卦於上而下防始生必潰

之陰其象如此然陰陽迭勝時運之常若能含晦章
美靜以制之則可以回造化矣有隕自天本無而條
有之象也

愚曰巽為木杞良材南方之木巽木也指九二也
初與二有艮象艮為果蓏瓜蓏屬指初六也九五
為姤之主知初六之勢必至於盡剥夫陽而後止
故用九二之杞以包初六之瓜包之則不動繫之
則不往所謂繫而不食者也九五既得九二剛中

之臣為之金柅為之包為之杞所以制夫陰者無
不至我何為哉含章不露中正自守使陰不得以
窺吾際彖曰剛遇中正天下大行二五之謂也其
曰有隕自天何哉隕之為言消落也一陰初生浸
而剝陽君子不得不用其防待夫天者定則爪未
有不隕落者但君子於其未隕也其志不可舍而
不防吾亦惟盡道以俟命可也命即天也
上九姤其角吝无咎象曰姤其角上窮吝也

程子曰至剛而在最上者角也九以剛居上故以角
為象人之相遇由降屈以相從和順以相接故能合
也上九高亢而剛極人誰與之以此求遇固可吝也
已則如是人之遠之非他人之罪也由已致之故無
所歸咎既處窮上剛亦極矣是上窮而致吝也以剛
極居高而求遇不亦難乎

愚曰前剛角也始至上九遇道窮矣夫陰在下極
已在上極焉得有遇吝之道也只當罪已之亢安

可歸咎於人雖然初六之往則凶上九之窮不過
於吝此剛柔所以分也

欽定四庫全書

周易朱傳義折衷卷二十三

周易朱傳義折衷卷二十三

欽定四庫全書

周易程朱傳義折衷卷二十四

元 趙采 撰



程子曰序卦姤者遇也物相遇而後萃故受之以萃
萃者聚也物相會遇則成羣聚萃所以次姤也為卦
兌上坤下澤上於地水之聚也故為萃不言澤在地
上而云澤上於地言上於地則為方聚之義也

萃亨王假有廟

程子曰王者萃聚天下之道至於有廟極也羣生至衆也而可一其歸仰人心莫知其鄉也而能致其誠敬鬼神之不可度也而能致其來格天下萃合人心揔攝衆志之道非一其至大莫過於宗廟故王者萃天下之道至於有廟則萃道之至也祭祀之報本於人心聖人制禮以成其德耳故豺獭能祭其性然也萃下有亨字義文也亨字自在下與渙不同渙則先

言卦才萃乃先言卦義彖辭甚明

利見大人亨利貞用大牲吉利有攸往

天下之萃必得大人以治之人聚則亂物聚則爭事
聚則紊非大人治之則萃所以致爭亂也萃以不正
則人聚為苟合財聚為悖入安得亨乎故利貞萃者
豐厚之時也其用宜稱故用大牲吉事莫重於祭故
以祭享而言上交鬼神下接民物百用莫不當然當
萃之時而交物以厚則是享豐富之吉也天下莫不

同其富樂矣若時之厚而交物以薄乃不享其豐美
天下莫之與而悔吝生矣蓋隨時之宜順理而行故
彖云順天命也夫不能有為者力之不足也當萃之
時故利有攸往大凡興功立事貴得可為之時萃而
後用是以動而有裕天理然也

朱子曰萃聚也坤順兌說九五剛中而二應之又為
澤上於地萬物萃聚之象故為萃亨字衍文王假有
廟言王者可以至乎宗廟之中王者卜祭之吉占也

祭義曰公假于太廟是也廟所以聚祖考之精神又人必能聚已之精神則可以至于廟而承祖考也物既聚則必見大人而後可以得亨然又必利於正所聚不正則亦不能亨也大牲必聚而後有聚則可以有所往皆吉占而有戒之辭

彖曰萃聚也順以說剛中而應故聚也王假有廟致孝享也利見大人亨聚以正也用大牲吉利有攸往順天命也觀其所聚而天地萬物之情可見矣

程子曰萃之義聚也順以說以卦才言也上說而下
順為上以說道使民而順於人心下說上之政令而
順從於上既上下順說又陽剛處中正之位而下有
應助如此故能聚也欲天下之萃才非如是不能也
王者萃人心之道至於建立宗廟所以致其孝享之
誠也祭祀人心之所自盡也故萃天下之心者無如
孝享王者萃天下之道至於有廟則其極也萃之時
見大人則能亨蓋聚以正道也見大人則其聚以正

道得其正則亨矣萃不以正其能亨乎用大牲承上有廟之文以享祀而言凡事莫不如是豐聚之時交於物者當厚稱其宜也物聚而力贍乃可以有為故利有攸往皆天理然也故云順天命也觀萃之理可以見天地萬物之情也天地之化育萬物之生成凡有者皆萃也有無動靜終始之理聚散而已故觀其所聚則天地萬物之情可見矣

愚曰萃自臨來小過之三變五而為萃也小過艮

為門闕巽為高其上為宗廟四爻震長子也小過
之三自門闕外高至五五上宗廟有長子奉祀之
象萃之為卦四陰團結於二陽所以成萃萃聚也
聚必有主五是也萃之時必建邦設都宗廟為先
宮室次之蓋天地鬼神宗廟是第一件事聖人先
立其大者其他可次第舉也故繇詞首言王假有
廟廟者所以聚祖宗之精神人須聚一己之精神
至于廟而享祖考然渙卦散而不聚亦言王假有

廟何也此是聖人因卦名渙思祖考之精神既散
當立廟以聚之故二卦皆言有廟也利見大人此
以二五相易而言萃也天下既聚未見大人其萃
必不正不正必有爭爭則安得亨乎九五以剛德
居中正大人也六二又以中正而往聚之君臣之
聚既正則民志定而亨矣五二相易成離目見也
故曰利見大人亨聚以正也用大牲吉利有攸往
此以小過之九三變五而言萃也坤為牛兌為刑

殺殺牛以奉宗廟用大牲也物聚則力贍而有成
何往不利哉伊川云豐萃之時若不用大牲便是
以天下儉其親此時不比得利用禴朱文公云也
有此理但彖辭是散漫說言王假有廟又言利見
大人又言用大牲吉是聖人觀象節節見有許多
道理見這一象便說這一句見那一象便說那一
句看得最好繇彖不是一串說如大象夫子見得
萃卦中有此一象彖未說著所以於象中說出來

象曰澤上於地萃君子以除戎器戒不虞

程子曰澤上於地為萃聚之象君子觀萃象以除治戎器用戒備於不虞凡物之萃則有不虞度之事故眾聚則有爭物聚則有奪大率既聚則多故矣故觀萃象而戒也除謂簡治也去弊惡也除而聚之所以戒不虞也

初六有孚不終乃亂乃萃若號一握為笑勿恤往无咎象曰乃亂乃萃其志亂也

程子曰初與四為正應本有孚以相從者也然當萃之時三陰聚處柔無守正之節若捨正應而從其類乃有孚而不終也乃亂惑亂其心也乃萃與其同類萃也初若守正不從號呼以求正應則一握笑之矣一握俗語一團也謂衆聚以為笑也若能勿恤而往從剛陽之正應則無過咎不然則入小人之羣矣其心志為同類所惑亂故乃萃於羣陰也不能固其守則為小人所惑亂而失其正矣

朱子曰初六上應九四而隔於二陰當萃之時不能
自守是有孚而不終志亂而妄聚也若呼號正應則
衆以為笑但勿恤而往從正應則無咎矣戒占者當
如是也

愚曰初與四為正應四有巽體巽為進退故有孚
不終乃亂乃萃兌為口巽為號故若號艮為手故
一握其手兌為口為說有笑象夫鳥之聚也擇木
民之聚也擇主萃之所謂大人者四五二剛是也

二陽固四陰之主二剛固四柔所萃然當萃之初
擇主未定之時四又初之應初當始終信四而主
之可也今初柔而不正處三陰之下雖信四為吾
之主欲與萃又疑四非君位恐不足為主也於是
所以信四者不克終焉信四不終進退疑貳或退
而雜亂於三陰之中或進而又欲與四相萃其志
惑亂莫知適從若四在上而號召之則又為同類
握手而笑聖人見初之情如此遂教以勿恤人之

笑也往從四則無咎矣何者四我應也我從四則
得主而志一志一則不亂勸之往使之一其志也
六二引吉无咎孚乃利用禴

程子曰初陰柔又非中正恐不能終其孚故因其才
而為之戒二雖陰柔而得中正故雖戒而其辭微凡
爻之辭闕得失二端者為法為戒亦各隨其才而設
也引吉無咎引者相牽也人之交相求則合相待則
離二與五為正應當萃者也而相遠又在羣陰之間

必相牽引則得其萃矣五居尊位有中正之德二亦以中正之道往與之萃乃君臣和合也其所共致豈可量也是以吉而無咎也無咎者善補過也二與五不相引則過矣孚乃利用禴孚信之在中誠之謂也禴祭之簡薄者也菲薄而祭不尚備物直以誠意交於神明也孚乃者謂有其孚則可不用文飾專以至誠交於上也以禴言者謂薦其誠而已上下相聚而尚飾焉是未誠也盖其中實者不假飾於外用禴之義

也孚信者萃之本也不獨君臣之聚凡天下之聚在誠而已

朱子曰二應五而雜於二陰之間必牽引以萃乃吉而無咎又二中正柔順虛中以上應九五剛健中正誠實而下交故卜祭者有其孚誠則雖薄物亦可以祭矣

象曰引吉无咎中未變也

萃之時以得萃為吉故九四為得上下之萃二與五

雖正應然異處有間乃當萃而未合者也故能相引而萃則吉而無咎以其有中正之德未遽至改變也變則不相引矣或曰二既有中正之德而象云未變辭若不足何也曰羣陰比處乃其類聚方萃之時居其間能自守不變遠須正應剛立者能之二陰柔之才以有中正之德可覲其未至於變耳故象含其意以存戒也

愚曰二至四五有艮巽象艮為手巽為繩引也二

居中得正為羣陰之長使二止於受羣陰之歸而
安於下是植黨而割據也惟六二居中而應五又
引三陰以從五引者引其類而往之謂也迷於道
者不引則不得其所之三陰方迷而二引以同升
故吉且無咎也誠之至者不外飾六二之孚於五
利用夫簡約之禮禴者禮之至簡者也二之中誠
確然未變禴祭之薄可以交於神明以是從五固
三陰之所藉而往哉

六三萃如嗟如无攸利往无咎小吝象曰往无咎上巽也

程子曰三陰柔而不中正之人也求萃於人而人莫與求四則非其正應又非其類是以不正為四所棄也與二則二以中正應五是以不正為二所不與也故欲萃如則為人棄絕而嗟如不獲萃而嗟恨也上下皆不與無所利也唯往而從上六則得其萃為無咎也三與上雖非陰陽正應然萃之時以類相從皆

以柔居一體之上又皆無與居相應之地上復處說
順之極故得其萃而無咎也易道變動無常在人識
之然而小吝何也三始求萃於四與二不獲而後往
從上六人之動為如此雖得所求亦可小羞吝也

朱子曰六三陰柔不中不正上無應與欲求萃於近
而不得故嗟如而無所利唯往從於上可以無咎然
不得其萃困然後往復得陰極無位之爻亦小可羞
矣戒占者當近捨不正之強援而遠結正應之窮交

則無咎矣

愚曰三陰而不正無應於上欲萃於四四應初欲萃於二二應五莫知所萃故曰萃如嗟如巽為號兌為口嗟也在萃而嗟何事可成故曰無攸利聖人曰上與三雖無陰陽相求之情而究是爻位相匹之應三若往而從之可以免咎不過有小吝而已象曰上巽上乃反體巽卦巽則不亢三往上必納之矣

九四大吉无咎象曰大吉无咎位不當也

程子曰四當萃之時上比九五之君得君臣之聚也
下比下體羣陰得下民之聚也得上下之聚可謂善
矣然四以陽居陰非正也雖得上下之聚必得大吉
然後為無咎也大為周遍之義無所不周然後為大
無所不正則為大吉大吉則無咎也夫上下之聚固
有不由正道而得者非理枉道而得君者自古多矣
非理枉道而得民者蓋亦有焉如齊之陳恒魯之季

氏是也然得為大吉乎得為無咎乎故九四必能大吉然後為無咎也以其位之不當疑其所為未能盡善故云必得大吉然後能無咎也非盡善安得為大吉乎

朱子曰上比九五下比衆陰得其萃矣然以陽居陰不正故戒占者必大吉然後得無咎也

愚曰坤為國邑羣陰萃於五正也九四乃以剛而不正之德當其前受三陰之聚據有國邑豈所宜

乎苟非有大德足以得天下者寧免於咎乎大吉
如詩豈弟君子福祿攸降大有自天祐之吉無不
利者也蓋世亦有非理枉道而得民者決無非理
枉道而得天者今曰大吉則其有大德而得天可
知必有大德者則可以受羣陰之聚而無咎象曰
位不當也言九四不當聚人之位苟有大吉之德
亦可免咎不然無聚人之位又無聚人之德是程
子所謂陳恒季氏之為矣得為無咎乎

九五萃有位无咎匪孚元永貞悔亡象曰萃有位志未光也

程子曰九五居天下之尊萃天下之衆而君臨之當正其位修其德以陽剛居尊位稱其位矣為有其位矣得中正之道無過咎也如是而有不信而未歸者則當自反以修其元永貞之德則無患不服而悔亡矣元永貞者君之德民所歸也故比天下之道與萃天下之道皆在此三者王者既有其位又有其德中

正無過咎而天下尚有未信服歸附者蓋其道未光大也元永貞之道未至也在修德以來之如苗民逆命帝乃誕敷文德舜德非不至也盖有遠近昏明之異故其歸有先後既有未歸則當修德也所謂德元永貞之道也元首也長也為君德首出庶物君長羣生有尊大之義焉有主統之義焉而又恒永貞固則通於神明光于四海無思不服矣乃無匪孚而其悔亡也所謂悔志之未光心之未慊也象舉文上句王

者之志必欲誠信著於天下有感必通含生之類莫不懷歸若尚有匪孚是其志之未光大也

朱子曰九五剛陽中正當萃之時而居尊固無咎矣若有未信則亦修其元永貞之德而悔亡矣戒占者當如是也

愚曰以剛居尊為萃之主其曰有位無咎匪孚者何蓋九四受羣陰之歸五獨尸位而已僅能免咎非能大孚於天下也聖人曰萃之九五具比體比

之繇詞曰元永貞使五有比之三德天下自捨四而比五矣悔可亡焉四五二爻萃之成卦也聖人於四則止曰無咎於五則止曰悔亡何也盖萃卦是合豫比兩卦而成者也萃九四即豫九四萃九五即比九五但萃九四爻詞不若豫九四萃九五爻詞不若比九五者豫九四上無剛君故使天下由豫而無疑今萃九四上有剛君而已受天下之萃位豈當哉比九五下無強臣故以一人顯比道

於天下而獲吉今萃九五下有強臣而已徒有其位志則未光大也此二爻所以僅無咎悔亡也與上六齋咨涕洟无咎象曰齋咨涕洟未安上也

程子曰六說之主陰柔小人說高位而處之天下孰肯與也求萃而人莫之與其窮至於齋咨而涕洟也齋咨咨嗟也人之絕之由已自取又將誰咎為人惡絕不知所為則隕穫而至嗟涕真小人之情狀也小人所處常失其宜既貪而從欲不能自擇安地至於

困窮則顛沛不知所為六之涕洟蓋不安於處上也
君子慎其所處非義不居不幸而有危困則泰然自
安不以累其心小人居不擇安常履非據及其窮迫
則隕穫躁撓甚至涕泣為可羞也未者非遽之辭猶
俗云未便也未便能安於上也陰而居上孤處無與
既非其據豈能安乎

朱子曰處萃之終陰柔無位求萃不得故戒占者必
如此然後可以無咎也

愚曰齋持也咨歎息也艮為手上與三相持歎息也艮為鼻充澤下流在目曰涕在鼻曰洟上六以柔乘剛處上獨立夫處上則必危獨立則無助當萃之極六三陰柔不正不足以為之援但與上相持歎息出涕洟而無所歸咎上既如是其能久安上位乎六既不安上則必反反則成巽六三所謂上巽是也上體巽德則三上相應未安者必安也



巽下
坤上

程子曰序卦萃者聚也聚而上者謂之升故受之以
升物之積聚而益高大聚而上也故為升所以次於
萃也為卦坤上巽下木在地下為地中生木木生地
中長而益高為升之象也

升元亨用見大人勿恤南征吉

程子曰升者進而上也升進則有亨義而以卦才之
善故元亨也用此道以見大人不假憂恤前進則吉
也南征前進也

朱子曰升進而上也卦自解來柔上居四內巽外順九二剛中而五應之是以其占如此南征前進也

彖曰柔以時升巽而順剛中而應是以大亨用見大人勿恤有慶也南征吉志行也

程子曰以二體言柔升謂坤上行也巽既體卑而就下坤乃順時而上升以時也謂時當升也柔既上而成升則下巽而上順以巽順之道升可謂時矣二以剛中之道應於五五以中順之德應於二能巽而順

其升以時是以元亨也彖文誤作大亨凡升之道必
由大人升於位則由王公升於道則由聖賢用巽順
剛中之道以見大人必遂其升勿恤不憂其不遂也
遂其升則已有福慶而福慶及物也南人之所向南
征謂前進也前進則遂其升而得行其志是以吉也
愚曰何謂柔以時升升者萃之反萃卦坤柔在下
今反非下坤柔升而在上上體坤下體風木坤道
上行非時不生木非時不長故曰以時升元是

時時升也此以萃反坤在上而言升也何謂巽而
順剛中而應是以大亨此言成卦在二也二巽而
順乎五二剛中而應乎五二備此德而升所以大
致亨通也此合二體以二之五而明升也何謂用
見大人勿恤有慶也南征吉志行也大人九二之
五也二之五成離離目為見九二欲升陰道凝盛
未可遽進然九二六五應也巽下順上升之時也
雖坤陰在上何憂乎不遂故文王曰勿恤夫子曰

有慶文王曰南征吉夫子曰志行皆所以去其疑
畏而強其志誘其必見而勉其必征也夫必曰南
征云者欲其升于至陽之地大明之方巽坤之間
離也出乎巽則升乎離非南征乎此卦通體是泰
泰變初爻而成也泰之未變陰升而陽降故取交
泰之義今既變矣乾毀巽成巽亦陰故專取柔升
之義所謂高明柔克者也曰時升所以立陰之懦
曰大亨所以破陰之窒曰見大人所以化陰之邪

曰南征所以發陰之闇

象曰地中生木升君子以順德積小以高大

程子曰木生地中長而上升為升之象君子觀升之象以順修其德積累微小以至高大也順則可進逆乃退也萬物之進長皆以順道也善不積不足以成名學業之充實道德之崇高皆由積累而至積小所以成高大升之義也

初六允升大吉象曰允升大吉上合志也

程子曰初以柔居巽體之下又巽之主上承於九二之剛巽之至者也二以剛中之德上應於君當升之任者也允者信從也初之柔巽唯信從於二信二而從之同升乃大吉也二以德言則剛中以力言則當任初之陰柔又無應援不能自升從於剛中之賢以進是由剛中之道也吉孰大焉與在上者合志同升也上謂九二從二而升乃與二同志也能信從剛中之賢所以大吉

朱子曰初以柔順居下巽之主也當升之時巽於二陽占者如之則信能升而大吉矣

愚曰初與四雖不應然四坤也坤為衆為順二三四為兌兌為口衆口順之允也初六巽之主然位卑德柔且無正應豈能自振而升哉今也二三以一體而信初四以應位而信初合衆之口允然相信汲引而升故曰允升大吉象曰上合志也言不特二三信之四雖上體本不應初今亦與二三同

口說順於初非志合能如是乎

九二孚乃利用禴无咎象曰九二之孚有喜也

程子曰二陽剛而在下五陰柔而居上夫以剛而事柔以陽而從陰雖有時而然非順道也以暗而臨明以剛而事弱若黽勉於事勢非誠服也上下之交不以誠其可久乎其可以有為乎五雖陰柔然居尊位二雖剛陽事上者也當内存至誠不假文飾於外誠積於中則自不事外飾故曰利用禴謂尚誠敬也自

古剛強之臣事柔弱之君未有不為矯飾者也禴祭之簡質者也云乎乃謂既乎乃宜不事文飾專以其誠感通於上也如是則得無咎以剛強之臣而事柔弱之君又當升之時非誠意相交其能免於咎乎二能以孚誠事上則不唯為臣之道無咎而已可以行剛中之道澤及天下是有喜也凡象言有慶者如是則有福慶及於物也言有喜者事既善而又有可喜也如大畜童牛之牯元吉象云有喜盖牯於童則易

又免強制之難是有可喜也

愚曰二以剛中之德應柔中之君以我中實之孚
感彼中虛之孚兩誠相合何用乎繁文末節其交
於君者如禴祭然以見一孚相與固無待於外飾
也或曰此文與萃六二同詞何也曰升乃萃之反
萃六二之孚以中虛而應中實此文之孚以中實
而應中虛是孚也在萃在升無往不利此二爻所
以俱言無咎而此又云有喜也

九三升虛邑象曰升虛邑无所疑也

程子曰三以陽剛之才正而且巽上皆順之復有應援以是而升如入無人之邑孰禦哉入無人之邑其進無疑阻也

朱子曰陽實陰虛而坤有國邑之象九三以陽剛當升時而進臨於坤故其象占如此

愚曰坤為國邑陰為虛虛邑也升至于三上卦之三陰皆靡然順之升虛邑之象也以剛升柔柔莫

之拒以三升上上為之應此升道之不疑者也巽
為不果三升上巽毀矣故曰無所疑也

六四王用亨于岐山吉无咎象曰王用亨于岐山順事
也

程子曰四柔順之才上順君之升下順下之進已則
止其所焉以陰居柔陰而在下止其所也昔者文王
之居岐山之下上順天子而欲致之有道下順天下
之賢而使之升進已則柔順謙恭不出其位至德如

此周之王業用是而亨也四能如是則亨而吉且無咎矣四之才固善矣復有無咎之辭何也曰四之才雖善而其位當戒也居近君之位
在升之時不可復升升則凶咎可知故云如文王則吉而無咎也然處大臣之位不得無事於升當上升其君之道下升天下之賢已則止其分焉分雖當止而德則當升也道則當亨也盡斯道者其唯文王乎四居近君之位而當升時得吉而無咎者以其有順德也以柔居坤順

之至也文王之享于岐山亦以順時順事而已上順於上下順乎下已順處其義故云順事也

愚曰此文伊川之說詳矣然文公云享于岐山享于西山皆是說祭享山川想不到如伊川說然言祭享亦是人積誠意以事鬼神有上通之義三至四成允允為西方岐山西山也坤為順巽為事三分有二以服事殷順事也或以為太王避狄徙岐之文誤矣

六五貞吉升階象曰貞吉升階大得志也

程子曰五以下有剛中之應故能居尊位而吉然質本陰柔必守貞固乃得其吉也若不能貞固則信賢不篤任賢不終安能吉也階所由而升也任剛中之賢輔之而升猶登進自階言有由而易也指言九二正應然在下之賢皆用升之階也能用賢則彙升矣倚任賢才而能貞固如是而升可以致天下之大治其志可大得也君道之升患無賢才之助爾有助則

由自階而升也

朱子曰以陰居陽當升而居尊位必能正固則可以得吉而升階矣階升之易者

愚曰六五以陰居尊聖人恐其不正故以貞吉勉之然五之所以為貞者何也虛中以降接九二也五既虛中以接九二則九二必升階以輔六五六五安得不大得志乎言大得志五之吉也五不守正則不能虛中五不虛中則二不升上二不升上

則五不得志吉安在哉巽為高有升階之象

上六冥升利于不息之貞象曰冥升在上消不富也


程子曰六以陰居升之極昏冥於升知進而不知止者也其為不明甚矣然求升不已之心有時而用於貞正而當不息之事則為宜矣君子於貞正之德終日乾乾自強不息以上六不已之心用之於此則利也以小人貪求無已之心移於進德則何善如之昏冥於升極上而不知已唯有消亡豈復有加益也不

富無復增益也升既極則有退而無進也

朱子曰以陰居升極昏冥不已者也占者遇此無適而利但可反其不已於升之心施之於不息之正而已

愚曰坤為冥晦陰虛為不富升至六極矣而猶不知止焉升之冥者也雖然有升之貞焉何謂升之冥昏冥無識貪進勢位愈高愈升不思高則必危升極必降其升也不為升而為消為不富何謂

升之貞自強不息日進正道愈升而愈不足其為
升也為不息之升其為利也為不息之利其為富
也為不息之富使上六移其冥升之心而為進德
之心則升之為道豈有不利者哉



周易程朱傳義折衷卷二十四